

Pauru Nymerohpyry sero Piremõ Neneryme

Sero pape tymerose Pauru a. Ritonõpo nymenekahpyryme kynexine ynororo imehnõ amorepaneme. Tope a tynmerohpyry taropose eya, Piremõ neneryme. Tynmerohpyryae tope zurũko inamoto poko, Onezimu poko. Tosẽ turumekase eya. Mame Jezu tonetupuhse eya tosẽme Pauru omiry etaryke tyya. Naeroro Onezimu azahkuru ehtopõpyry ikorokapoko Ritonõpo a, ãko Pauru esemy a. Wenikehko roropa iirypyhpyry poko, ãko mana.


¹Ynmerohpyry moro oneneryme Piremõ. Yna epeme mase, yna akorehmaneme roropa. Ywy ase Pauru, ãpuruhpyrytaono. Kyrixtu Jezu omipona jexiryke tõmapose ywy ãpuruhpyry taka.

Ymaro Timoteu nase jakorehmãko serohne merory poko. ²Jezu poetory tõ oximõmãkõ neneryme ynmerohpyry moro, atapyĩtaõkõ neneryme roropa, Apia neneryme roropa. Jezu poetoryme toexiryke yna oryxiryme mana. Arakipu neneryme roropa moro. Soutatume sã ynororo mã ya, yna akorehmaneme exiryke.

³Ynara ãko ase Ritonõpo a opoko xine, “Kure rokẽ Piremõ tõ tyriko Papa. Torẽtyke pyra tyriko toto,” ãko ase. Morara ãko ase Kuesẽkõ Jezu Kyrixtu a roropa.

Imehnõ pyno Piremõ ehtopõpyry poko

⁴Jotururuhtao Ritonõpo a opoko oturũko ase. “Kure mase, Papa. Kure jakorõ Piremõ riryke oya,” ãko ase opoko. ⁵Ritonõpo poetory pyno oexiry ekãtõko imehnõ mana ynanetaryme, Kuesẽkõ Jezu enetuputyry poko oya ekarõko roropa mã toto. ⁶Jezu maro mase ytoytõko, tonetupuhse oya exiryke. Morara exiryke ynara ãko ase Ritonõpo a, “Papa, Piremõ akorehmako imehnõ zurutohme Jezu enetupuhtopõpyry poko tyya. Amorepako toto oenetuputyry poko, zae Piremõ eneryke tyya xine, Jezu Kyrixtu omipona se toto ehtohme Piremõ samo,” ãko ase. ⁷Opyno ase Piremõ. Jakorõme mase. Yna pyno oexiryke atãkyemãko ase, poremãpyra ase roropa. Tuhkãkõ Ritonõpo poetory tõ tãkye toehse opokoino, toto pyno oexiryke.



(Pir 25)

Onezimu akorehmapory poko

⁸Etako pahne, orēpyra se jahtao, oruime jexiryke Kyrixtu enetuputyry poko, jomi poe zae ehtoh poko exiko, ykary oya repe. ⁹Yrome opyno jexiryke, ajohpāme sā jomipona exiko, āko rokē ase oya. Ywy ase Pauru. Kyrixtu Jezu nymenekahpyry ase typoko imehnō zurutohme. Āpuruhpyry taka tōmapose ase roropa Jezu pokoino. Morara jahtao ro, ajohpāme sā, āko ase oya. ¹⁰Naeroro ekaropōko ase oya Onezimu poko.

Umûkurume mana Kyrixtu enetuputyryke eya. Äpuruhpyry tao jahtao mokyro zûme toehse ywy Kyrixtu ekaroryke eya. ¹¹Osemazuhme aporo akîme toexiryke opoetohpyryme toehse ynororo. Yrome seromaroro ÿme toehse ropa nase. Äkorehmaneme toehse jakorehmaneme, enara.

¹²Seromaroro mokyro aröpöko ropa ase oya. Jeano roropa ytöko mana imaro ipyno jexiryke ipunaka. ¹³Taro ise ro ase repe, ymaro aehtohme, äpuruhpyry tao ro jahtao, jakorehmaneme, oesahpyo. Ritonöpo omiry kurâ poko Jezu Kyrixtu poko imehnö amoreparyke ya äpuruhpyry tao ase.

¹⁴Yrome jamoreme jakorehmapory se pyra ase oya. Jakorehmary se awahtao rokê jakorehmapory se ase oya. Naeroro ekaröpöko ase oya ajohpâme samo.

¹⁵Otarâme Onezimu toepase owinoino osemazuhme. Mame ytöko ropa mana oya, jûme amaro ehtohme rahkene. ¹⁶Seromaroro namotome rokê pyra mana. Namoto motye kuhse ynororo. Äkoröme toehse mana Kyrixtu enetuputyryke eya. Ipyno yronymyryme ase. Ipynohxo exîko mase roropa opoetoryme exiryke, äkoröme roropa exiryke Kuesêkô enetuputyryke eya.

¹⁷Naeroro oepeme jexiryke, mokyro eahmako, oya toytose ahtao, jeahmatoht sâ oya. ¹⁸Iirypyryme toehse ynororo ahtao oya, otinerû tapoise eya ahtao, ya rokê epehmapoko ropa. ¹⁹Ynara imeröko ase jemary ke nymyry. Ywy ase Pauru. Ywy roro oepehmâko ase. Yrome owenikehkapopyra roropa ase. Jepehmara ro mase roropa. Yhnao orihketyme ro mexiry. ²⁰Naeroro, jakorony, ajohpâme sâ jomipona exiko Kuesêkô pyno oexiryke. Ahtao jäkyemâko mase. Jakoröme sâ mase Kyrixtu enetuputyryke oya.

²¹Awaro ase. Morara imeroryhtao ya jomipona exîko mase. Jomiry motye tyrîko mase. Zuaro ase. ²²Morara awahtao osa ikurâkako jesaryme. Otarâme ômihpyrykô etaryke Ritonöpo a jaröpöko ropa mana oya xine. Moro se ase ipunaka.

Pauru tō osekazumatopöpyry

²³“Kure pâna mano,” kary se Epapura oya. Äpuruhpyrytaöme mana ymaro, Jezu Kyrixtu poko imehnö amoreparyke eya. ²⁴Morara kary se roropa ymaro erohketö Jezu omiry poko, Maku, Arixtakû, Temaxi, Ruka, enara.

²⁵“Kure rokê opoetory tō tyriko Papa,” äko ase Kuesêkô Jezu Kyrixtu a opoko xine. Enara.